



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

12 A Cunibertus Bischoff zů Cöln.

urn:nbn:de:hbz:466:1-41449

Ward darnach zum Priester gemacht / leuchtet mit vil-
 len Tugenten vnd Wunderzaichen / dardurch vil Hal-
 den zu Christo bekohre / vnd er zum Bischoflichen Ampt
 gezwungen ward. Leuchtet nach seinem tod / wie auch Anno Dñi
 zuvor im leben / mit Wunderzaichen. 370.

Item zu Malonia bey Namurco des heiligen Bi-
 schoffs vnd Beichtigers Vertivini / welcher auß Irland
 bürtig / zu vnser lieben Frawen Ehm ein Bethaus ma-
 chete / vnd darinn GOTT fleißig dienete / biß daß er sei-
 nen lauff Ehrlich vollendet.

Item (als etliche wollen) des heyligen Johannis
 Almosers / von welchem dioben am 23. tag Jenner
 weyter.

Item die begräbnuß des heyligen Beichtigers
 Theophanii / Grafen zu Centumcellis / von welchem S.
 Gregorius zeuget.

Lib. 4. Dial. 7.

A Pridie idus Nouembris.

Der XII. Tag im Wintermonat.

In der Statt Zirassona / in der Landschaft Tar-
 raconensi gelegen / ist heut der Tag des heyligen
 Priesters vnd Beichtigers Emiliani / welches
 wunderbarlichs leben Braulio / der Bischoff zu Cesaro-
 augusta beschriben hat.

Item eines andern heyligen Bischoffs Emiliani /
 so in Schottland geborn / der auch GOTT von jugent
 an embßiglich dienet / von dem weiter am sechsten tag
 dises Monats.

Item zu Eöln / die begräbnuß des heyligen Bi-
 schoffs Cuniberti / der ein Knab an Königs Dagobert
 Hof

November

Hof auffgezogen / vnd volgendts ein Cölnischer Bischoff gemacht ward / hat seinem Hirtenampt treulich 40. Jar lang aufgewartet / wachet auff seine Heerd / war lieb vnd angenehm seinen Schaafen. Als er einmal das Geheimnuß vnser erlösung in S. Besule Kirchen opfferet / sahen alle beystehende Menschen ein weisse Tauben auff seinem Haupt sitzen / zwar zu bestetigung / daß er ein wahrer Hirt vnd würdiger Priester Christi wäre. Sein Leib ligt zu Cöln in der Kirchen / so von ihm genannt wirdt / ehlich begraben.

Item in Senoner Landschaft des heyligen Martyrers Paterni.

Item in der Burg Mileduno des heyligen Reich-tigers Leonis.

Item des heyligen Propheten Ahie Solonitis / welcher dem Hieroboam vorgesagt / daß er ein König 3. Reg. 12. vber die zehen Geschlecht Israel sein würd / daß auch sein Haus zerstört solt werden / von wegen der Abgötterey / die der König in anbettung zweyer Kälber begangen hat.

Item in Ponu Sandensi die begräbnuß des heyligen Bischoffs vnd Martyrers Elmii / der auß Schotland geboren / von jugent an im Leben vnd Wunderthaten fürtrefflich / auch eines solchen Glaubens war / daß er auff dem Wasser wandlet. Diser zog auß seinem Vaterland / vnd nach dem er vil Volcks zu Christo beköhrte / ward er vnschuldig in Diabant von den Vnglaubigen getödt.

Item inn Agathenser Landschaft / der heiligen Martyrer Tyberij / Modesti vnd Florentie / von welchen oben am 10. tag diß Monats.

Anno Dñi
910.

Item des heiligen Pappsts Bonifacij des vierten /
der

Der auß Marsilia geborn/ auß seines Vatters Haus ein Kloster machet / vnnnd seine äcker zu desselben Klosters nutz gab.

Item der heyligen Frawen vnd Marterin Gra-
phaildis / welche öffentlich schreye / daß der H. Marte-
rer Euinius vnschuldig wäre / vnnnd vnrechtlich lidte/
ward darumb sampt ihrem klainen Kind Ductio von
den Gottlosen getödt.

Item des H. Bischoffs vnd Beichtigers Kenatt.

Item zu Deuenter bey dem Fluß Isel die begräb-
nuß des heyligen Priesters vnnnd Beichtigers Lebuini/
welcher durch Göttliche ermahnung auß Engeland will-
iglich zog / vnnnd den Sächsischen Völkern bey dem
Fluß Isel das Euangelium Gottes verkündiget / vnnnd
darumb vil trübsal vnd verfolgung erlidte / aber doch im
Freiden verschieden ist zum Herren.

Item des heyligen Beichtigers Imaris / der ein
Maister war S. Malachie des Patriarchen in Irland.
Von dem weyter am 9. tag diß Monats.

b Idibus Nouembris.

Der XIII. Tag im Weinmonat.

S Rauenna ist heut der Geburtstag der heyligen
Marterer Valentini / Salutoris vnnnd Victoris/
welche in der Diocletianischen verfolgung / vmb
Christi willen ritteilich gestritten / vnnnd alle Marter
dapffer überwunden haben.

Item in der Statt Aquis / in der Prouinz gele-
gen / des heyligen fürtrefflichen Marterers Nitris / von
dem Gregorius Turonensis bezeuget.

V o v

Item